



UNIVERSITÄTS-
BIBLIOTHEK
PADERBORN

Catalogus Patrum Societatis Jesu

Couplet, Philippe

1686

LIII. P. Stephanus Almeida

[urn:nbn:de:hbz:466:1-64697](https://nbn-resolving.org/urn:nbn:de:hbz:466:1-64697)

Kim urbem pro regiam *Ngan Kim*, diem obiit. Unde post mortem translato in Septentrionalem Sinarum partem illius feretro à P. Joan. Dominico Gabiani, sepultus est prope *Sing an* Metropolitim Prov. *Xen si*.

LII. P. GABRIEL DE MAGALLHANES Lusitanus eodem anno 1640. cum socio individuo P. Ludov. Buglio Sinas ingressus, venit in Prov. *Suchuen* aliaque loca, ubi uterque gravissimis periculis à rebellibus & latronibus defunctus, & sapius à morte imminente ereptus: tandem *Xum chi* Imp. anno 5. (1648.) in aulam venit, ibique regios favores sapius expertus, & semel *Macaum* ab Imp. delegatus, demum *Cam hi* Imp. anno 16. (1677.) æt. 69. in aulâ obiit. Imperator illum dignatus est funebri elogio: obtulit insuper 200. aureos & 10. volumina serica ad exequias. Adhuc viventis effigiem depingi iusserat. Die autem exequiarum legavit tres Aulae Proceres, qui prosequerentur funus ad sepulturam, quæ est extra portam *Feu chim* dictam. Editum ab eo.

De Resurrectione carnis ex D. Thoma, 2. vol.

LIII. P. STEPHANUS ALMEIDA Lusitanus eodem anno 1640. prædicavit Fidem in Prov. *Xen si*, deinde in Prov. *Kiam si* Metropoli *Nan sham*. circa annum verò 1645. à Tartaris urbem & vicina

vicinâ loca diripientibus in communi cæde interfectus est sepultusque extra muros ejus urbis.

LIV. P. MARTINUS MARTINI Tridentinus *Zum chim* Imp. anno 16. (1643.) prædicavit fidem in Prov. *Che kiam* oppido *Lan ki* ubi Ecclesiam fundavit: dein perrexit in Aulam. Inde ingressus Prov. *Fo kien*, ac tandem ex Europa rediit in *Che kiam*, operâ Proregis magnificam Europâ formâ extruxit Ecclesiam, in quâ Imp. *Xun chi* anno 18. (1661.) diem obiit. Sepultus est in loco *Fam cim* dicto. Ab eo edita.

De Deo & animæ Immortalitate ex Lessio.

De amicitia.

Contra Metempsychosim Bonziorum.

LV. P. NICOLAUS SMOGOLENSKI Polonus, eodem anno 1643. prædicavit in Prov. *Nan kim*. Postea *Xun chi* Imp. anno 10. (1653.) ingressus Aulam, copiam sibi fieri postulavit prædicandi fidem in Tartariâ. Sed ex mandato Regis permissus tantum est in quocumque alio Imperii loco pro libitu Dei legem prædicare. Tandem profectus in Prov. *Quam tum* urbem prætoriam *Chao kin*, obiit ibidem, & sepultus est extra muros. Ab eo edita.

Mappe Mundi Ellip.